

四庫全書

集部

欽定四庫全書

御定全唐詩卷五百八十八

李頻

送友人往太原

離亭聊把酒，此路徹邊頭。
草白雁來盡，時清人去遊。
汾河流晉地，塞雪滿并州。
別後相思夜，空一作遙看北斗愁。

一作明日相思
起蕭條上北樓

旅懷

萬里共心論徒言吾道存奉親無別業謁帝有何門水宿驚濤浦山行落葉村長安長夢去歌枕即聞猿

送裴御史赴湖南

關一作開

門鳥道中飛傳復乘驄暮雪離秦甸春雲

一作雷

入楚宮平蕪天共濶積水地多空使府懸帆去

一作待能

消幾日風

送姚邵先輩赴汝州辟

行李事寒天東來聘禮全州當定鼎處人去偃戈年雷

風一作雨雨一作雪依嵩嶺桑麻接楚田遙知清夜作不是借

戎篇

第三聯同後
送姚評事詩

初離黔中泊江上

去去把青桂平生心不違更蒙蓮府辟兼脫布衣歸霽

岳

一作碧岫

明殘雪清波漾落暉無窮幽鳥戲

一作興

時向

一作

日起棹前飛

黔中酬同院韋判官

平生同所為相遇偶然遲各著青袍後無歸白社期江

流來絕域府地管諸夷聖代都無事從公且賦詩

和范秘書襄陽舊遊

一作和范鄴先
輩話襄陽舊遊

聽話揚帆興初從峴首還高吟入白浪遙坐看一作看出青

山枯木

一作古樹

猿啼爽寒

一作空

汀鶴步

一作立

閒秋來關

一作

南去夢幾夜度一作過商顏一作關

秋夜山

一作日

中思歸寄友人

蕭條對秋色相憶在雲泉木落病身起潮平歸思懸涼
鐘山頂寺暝火渡頭船此地非吾土淹留又一年

自黔中東歸旅次淮上

行旅本同愁黔吳復阻脩半年方中路窮節到孤舟夕
靄垂陰野晨光動積流家山一夜夢便是昔年遊

江夏春感舊

東風出海門處處動林園澤國雪霜少沙汀花木繁暖
魚依水淺晴雁入空翻何處陽和力生萍不駐根

睢州別李使君

一作眉山留
獻張端公

回首雪峰前朱門心杳然離人自嗚咽流水莫潺湲毒

草通蠻徼秋林近漏天一生從此去五字有誰憐

送許棠及第歸宣州

高科終自致志業信如神待得逢公道由來合貴身秋
歸方覺好舊夢始知真更想青山宅誰為後主人

黔中罷職將泛江東

黔中初罷職薄俸亦無殘舉目鄉關遠攜家旅食難野
梅將雪競江月與一作共沙寒兩鬢愁應白何勞一作勞心把

鏡看

長安書事寄所知

帝里本無名端居有道情睡魂春夢斷

一作書興晚窗短

明老擬歸何處閒應過此生江湖終一日拜別便東行

酬姚覃

不見又相招何曾訴寂寥醉眠春草長吟坐夜燈銷淚
墮思山切身歸轉路遙年年送別處楊柳少垂條

春日鄜州贈裴居言

雖將身佐幕出入似閒居草色長相待山情信不疎燈

前春睡足酒後夜寒餘筆研時時近終非署簿書

送于生入蜀

家吳聞入蜀道路頗乖離一第何多難都城可少知江
山非久適一作戀命數未終奇況又將冤抱經春杜魄隨

送許棠歸涇縣作尉

青桂復青袍一歸榮一高縣人齊下拜邑宰共分曹
郭看秧插尋街聽繭繅封侯萬里者燕頤乃徒勞

友人話別

論交雖不蚤話別且相親除却棲禪客誰非南陌人半
生都返性終老擬安貧願入白雪社高眠自致身

山居

欲出窮吾道東西自未能捲書

一作簾

唯對鶴開畫

一作卷

獨留僧落葉和雲掃秋山共月登何年石上水夜夜滴
高層

寄范郎中

藜杖山中出吟詩對

一作獨

范家相知從海嶠寄食向京

華名宦成何報清眸未縱賒臨邛夢來往雨雪滿裊斜

書懷

宦途從不問身事覺無差華髮初生女滄洲未有家却
閒思洞穴終老曠桑麻別訪棲禪侶相期語劫沙

越中行

越國臨滄海芳洲復暮晴湖通諸浦白日隱亂峰明野
宿多無定閒遊免有情天台聞不遠終到石橋行

春日南遊寄浙東許同年

孤帆處處宿不問是誰家南國平蕪遠東風細雨斜旅
懷多寄酒寒意欲留花更想前途去茫茫滄海涯

明州江亭夜別段秀才

離亭向水開時候復蒸梅霹靂燈燭一作燭滅蒹葭風雨

來京闕雖一作誰共語海嶠不同回莫為尊鱸美天涯滯

爾才

臨岐留別相知

百歲竟何事一身長遠遊行行將近老處處不離愁世

路多相取權門不自投難為此時別欲別願人留

鄂渚湖上即事

杜門聊自適湖水在窗間縱得滄洲

一作江

去無過白日

閒多慵空好道少賤早凋顏獨有東山

一作峰

月依依自

往還

辭夏口崔尚書

一飯仍難受依仁況一年

一作淹留已半年

終期身可報不擬

骨空鑄城晚風高角江春浪起船同來

一作曾同

棲止地獨

去塞鴻前

秦

一作春

原早望

一忝鄉書薦長安未得回年光逐渭水春色上秦臺燕
掠平蕪去人衝細雨來東風生故里又過幾花開

送友人之揚州

一作遊淮南

一別長安後晨征便信雞河聲入峽急地勢出關低綠
樹叢垓下青蕪闊楚西路長知不惡隨處得一作好詩題

過四皓廟

東西南北人高跡自相親天下已歸漢山中猶避秦龍
樓曾作客鶴髦不為臣獨有千年後青青廟木春

陝下懷歸

故園何處在零落五湖東日暮無來客天寒有去鴻大
河水徹塞高嶽雪連空獨夜懸歸思迢迢永漏中

送徐處士歸江南

行行野雪

一作雲

薄寒氣日

一作已

通春故國又芳草滄江

終白身遊歸花落滿睡起鳥啼新莫惜閒書扎西來問

旅人

一作不得無來
札空令借問人

鄜州留別王從事

相識未十日相知如十年從來易離別此去忽留連
路險行衝雨山高度隔天難終清夜坐更聽說安邊

長安夜懷

匹馬西遊日從吳又轉荆風雷幾夜坐山水半年行
夢永秋燈滅吟餘曉露明良時不我與白髮向秦生

一作頭盈

冬夜山中尋友

一作僧

何人山雪夜相訪不相思

一作夜山深雪後月下獨尋師

若得長閒日

應無暫到

一作別

時葉寒凋欲盡泉凍落還遲即此天明

去重來未有一

一作未期

送劉山人歸洞庭

君逐雲山去人間又絕蹤

一作去意無人會唯應道是從又作却共歸雲去高眠最

上峰半湖乘早月中路入疎鐘秋盡草

一作戶

蟲急夜深山

雨重平生心未已豈得更相從

一作當時同隱者分得幾株松

古意

白馬遊何處青樓日正長
鳳簫拋舊曲鸞鏡嬾新妝
玄

鳥深空

一作巢靜

一作飛

語
飛花入戶香雖非實
滔婦錦字已

成章

避暑

當暑憶歸林陶家借柳陰
蟬從初伏噪客向晚涼吟
白

日欺玄鬢滄江負素心
神仙倘有術引我出幽岑

中二聯同

後夏日
蓋屋郊居
寄姚少府詩

送吳秘書歸杭州

為客得從容官清料復重海崖歸有業天目近何峰是
處通春棹無村不夜春馬鄉誇貴達還說返臨邛

中秋對月

秋分一夜停陰魄最晶熒好是生滄海徐看歷杳冥層
空疑洗色萬怪想潛形他夕無相類晨難不可聽

八月上峽

一作八月
峽口作

萬里巴江一作西南水秋來滿峽流亂山無陸路行客在孤

舟洶洶灘聲急冥冥樹色愁免為三不弔已一作終白一

生頭

送狄明府赴九江

字人修祖德清白定聞傳匹馬從

一作離

秦去孤帆入楚

懸關中寒食雨湖上暑衣天四考兼重請

一作攝

相知住

幾年

陝下投姚諫議

舊業在東鄙西遊從楚荆風雷幾夜坐山水半年行夢
永秋燈滅吟孤曉露明前心若不遂有耻却歸耕

關東逢薛能

何處不相思相逢還有時
交心如到老會面未為遲
苦學緣明代勞生欲白髭
唯君一度別便似見無期

富春贈孫璐

天柱與天目曾棲絕頂房
青雲求祿晚白日坐家長井
氣通潮信牕風引海涼
平生詩稱一作稿在老達亦何妨

送友人遊蜀

東堂雖不捷西去復何愁
蜀馬知歸路巴山似舊遊
星

臨劍閣動花落錦江流鼓吹青林下時聞祭武侯

夏日盤屋郊居寄姚少府

古木有清陰寒泉在下深蟬從初伏噪客向晚涼吟白
日欺玄鬢滄江負素心甚思中夜話何路許相尋

送胡休處士歸湘江

一作南

見說一作話湘江一作荆湘切長愁有去時江湖秋涉遠雷一作

風雨一作雷夜眠遲舊業多歸興空山盡老期天寒一瓢

酒落日醉一作擬留誰

峽州送清徹上人歸浙西

一作送清江上人歸東林

風濤幾千里歸路半乘舟此地難相遇

一作別

何人更共

遊

一作留

坐經嵩頂夏行值洛陽秋到寺安禪夕江雲滿

過一作石樓

送僧入天台

一錫隨緣赴天台又去登長亭舊別路落日獨行僧夜

燒山何處秋帆浪幾層他時授巾拂莫為

一作說一作道老無

能

回山後寄范鄴先輩

高樓會月夜北雁向南分
留住經春雪辭來見夏雲
遙空江不極絕頂日難曛
一與山僧坐無因得議文

長安送友人東歸

白社思歸處青門見去人
鄉遙一作連茂苑樹路入廣陵

塵海日潮浮曉湖山雪露一作帶春
猶期來帝里未是得

間人一作身

深秋過源宗上人房一作房方丈

到日值搖落相留山舍空微寒生夜半積雨向秋終度
講多來雁經禪少候蟲方從聽話後不省在愁中

第二
聯同

後暮秋宿清
源上人院詩

秋日登山閣

蒼蒼山閣晚杳杳隙塵秋偶上多時立翻成盡日愁
草平連邑動河滿逐江流下視窮邊路行人在隴頭

秋宿慈恩寺遂上人院

一作送宋震
先輩赴青州

滿閣終南色清宵獨倚欄風高斜漢動葉下曲江寒
帝

里求名老空門見性難吾師無一事不似在長安

題棲霞寺慶上人院

居與鳥巢鄰日將巢鳥親多生從此性久集得無身樹

老風終夜山寒雪見春不知諸祖後傳印是何人

後二聯同

後贈立規上人詩又同後
題棲霞寺立上人院詩

送友人入一作蜀

天際蜀門開西看舉別杯何人不異禮上客自懷才夜
澗青林發秋江淶水來臨邛行樂處莫到白頭回

贈同官蘓明府

山中畿內邑別覺大夫清
簿領分王事官資寄野情
聞齋無獄訟隱几向泉聲
從此朝天路門前是去程

送厲圖南往荊州覲伯

雲水入荊湘古來魚鳥鄉
故關重隔遠春日獨行長
山溜含清韻江雷吐夜光
郡中詞客會遊子更升堂

山中夜坐

歸家來幾夜倏忽覺秋殘
月滿方塘白風依老樹寒
戲

魚重躍定驚鳥却棲難為有門前路吾生不得安

送台州唐興陳明府

見說海西隅山川與俗殊宦遊如不到仙分即應無瀑
布當公署天台是縣圖遙知為吏去有術字惇孤

夏日過友人檀溪別業

暑天宜野宅林籟爽泠泠沙月邀開戶岩風助掃庭鷺
棲依綠篠魚躍出清萍客抱方如醉因來得暫醒

自江上入閩

盡室寄滄洲孤帆獨泝流天涯心似夢江上雨兼秋
文字為人棄田園被債收此名如不得何處擬將休

冬夜和范秘書宿秘省中作

每日

一作入

得閒吟清曹闕下深因知遙夜坐別有遠山

心芸細書中氣松疎雪後

一作上

陰歸

一作幾

時高興足還

復插朝簪

送友人遊太原

孤帆幾日懸楚客思飄然水宿南湖夜山離舊國年秋

風高送雁寒雨入停蟬此去勤書札時常中路傳

江上居寄山中客

一本無居
字中字

山後與山前相思隔叫猿殘雲收樹末返照落江源苦
雨秋濤漲狂風野火翻朝來賣藥客遇我達無一作言

御定全唐詩卷五百八十八

欽定四庫全書

御定全唐詩卷五百八十九

李頻

送張郎中赴睦州

青山復淥水想入富春西
夾岼清猿去中流白日低
兼華省出榮共故鄉齊賤子遙攀送歸心逐馬蹄

送鄂渚韋尚書赴鎮

夏口本吳頭重城據上游
戈船轉江漢風月宿汀洲
執

憲傾民望銜恩赴主憂誰知舊寮屬攀餞淚仍流

送崔侍御書記赴山北座主尚書招辟

書記向丘門旌幢夾谷尊從來遊幕意此去并酬恩雁
叫嫌冰合驄嘶喜雪繁同為入室士不覺別銷魂

入朝遇雪

霜鬢持霜簡朝天向雪天玉階初辨色瓊樹乍相鮮密
翳空難曙盈徵瑞不愆誰為洛陽客是日更高眠

勉力

日月不並照升沉俱有時自媒徒欲速孤立却宜遲盡
力唯求已公心任遇誰人間不得意半是鬢先衰

郊居寄友人

林色樹還曛何時得見君獨居度永日相去遠浮雲故
疾隨秋至離懷覺夜分蛩聲非自苦偏是旅人聞

送陸肱歸吳興

雪後江上去風光故國新清渾天氣曉綠動浪花春勸
酒提壺鳥乘舟震澤人誰知滄海月取桂却來秦

暮秋重過山僧院

却接良宵坐明河幾轉流安禪逢小暑抱疾入高秋靜

室聞玄理深山可白頭朝朝獻林果亦欲學獼猴

第二聯同

後秋夜宿重
本上人院詩

送新安少府

南浮雖六月風水已秋涼日亂看江樹身飛逐楚檣後
期誰可定臨別語空長遠宦須清苦幽蘭貴獨芳

送人歸吳

何人不歸去君去是閒人帝里求相識山家即近隣交
情吾道可一作古離思柳條新未飲青門酒先如醉夢
身一作舊

送姚評事

儒服從戎去須知勝事全使君開幕日天子偃戈年風
雨依嵩嶺桑麻接楚田新詩隨過客旋滿洛陽傳

題棲雲寺立上人院

是法從生有修持歷劫塵獨居岩下室長似定中身樹

老風終夜山寒雪見春不知諸祖後傳印是何人

黔中罷職過峽州題田使君北樓

巴中初去日已遇使君留及得尋東道還陪上北樓江
衝巫峽出檣過洛宮收好是從戎罷看山覺自由

江上送從兄羣玉校書東遊

逍遙蓬閣吏才子復詩流墳籍因窮覽江湖却縱遊眠
波聽戍鼓飯浦約魚舟處處迎高密先應掃郡樓

宛陵東峰亭與友人話別

坐舉天涯目停杯語日晡脩簟齊迥檻列岫限平蕪亂
水通三楚歸帆挂五湖不知從此去何處是前塗

華山尋隱者

自入華山居關東相見疎瓢中誰寄酒葉上我留書巢
鳥寒棲盡潭泉暮凍餘長聞得藥力此說又何如

末聯
同後

尋華陽
隱者

題薦福寺僧棲白上人院

空門有才子得道亦吟詩內殿頻徵入孤峰久作期高

名何代比密行幾生持長愛喬松院清涼坐夏時

遊四明山劉樊二真人祠題山下孫氏居

久在仙壇下全家是地仙池塘來乳洞禾黍接芝田起
看青山足還傾白酒眠不知塵世事雙鬢逐流年

和太學趙鴻博士歸蔡中

得祿從高第還鄉見後生田園休問主詞賦已垂名掃
壁前題出開牕舊景清遙知賢太守致席日邀迎

送壽昌曹明府

惠人須宰邑為政貴通經却用清琴理猶嫌薄俗聽
漲江晴漸淥春嶠燒還青若宿嚴陵瀨誰當是客星

哭賈島

秦樓吟苦夜南望只悲君一官終遐徼千山隔旅墳
恨聲流蜀魄冤氣入湘雲無限風騷句時來日夜聞

送薛能赴鎮徐方

列土人間盛彭門屬九州山河天設險禮樂牧分憂皎
日為明信清風占早秋雖同卻縠舉卻縠不封侯

送鳳翔范書記

西京無暑氣夏景似清秋
天府來相辟高人去自由
江山通蜀國日月近神州
若共將軍語河蘭地未收

岐山逢陝下故人

三秦一會面二陝久分攜
共憶黃河北相留白日西
寄來書少達別後夢多迷
早晚期于此看花聽鳥啼

送友人陸肱往太原

并州非故國君去復尋誰
獫狁方為寇嫖姚正用師
戍

烟來自

一作有

號邊雪下無時更想經綿上應逢禁火期

贈李將軍

吾宗偏好武漢代將家流走馬辭中禁屯軍向渭州天
心待破虜陣面許封侯却得河源水方應洗國讐

送友人喻坦之歸睦州

一作送人
歸新定

歸心常共知歸路不相隨彼此無依倚東西又別離山

花

一作雲

含雨濕

一作亞

江樹近

一作逆
入作送

潮歆莫戀漁樵興

生涯各有為

一作期

尋華陽隱者

閒却白雲居行蹤出去初窗中聊取筆架上獨留書日
背林光冷潭澄獄影虛長聞得藥力此說復何如

長安即事

一作長安
僻居酬人

豈得有書名徒為老帝京關中秋氣早雨後夜涼生滄
海身終泛青門夢一作
路已行秦人縱相識多少別離情

一作吟君一句
意又見故人情

送友人遊塞北

朔野正秋風前程見磧鴻

一作上馬問雲中長川送北風

日西身獨遠

一作去

山轉路無窮樹隔高關斷沙連大漠空君看河外

將早晚擬

一作合

平戎

陝府上姚中丞

關東領藩鎮關下授旌旄
句秋吟苦酬恩夜坐勞
天開吹角出木落上樓高
閒話錢塘郡半年

一作生

聽海潮

送供奉喻鍊師歸天目山

承恩雖內殿得道本深山
舉世相看老孤峰獨自還
溪

來青壁裡路在白雲間絕頂無人住雙峰是舊關

之任建安淶溪亭偶作二首

入境當春務農蠶事正殷逢溪難飲馬度嶺更勞人想

取烝黎

一作民

泰無過賦歛均不知成政後誰是得為隣

維舟淶溪岼繞郡白雲峰將幕連山起人家向水重短
才無獨見長策未相逢所幸分堯理烝民悉可封

送侯郎中任新定二首

為郎非白頭作牧授滄洲江界乘潮入山川值勝遊暑

氣隨轉扇涼月傍開樓便欲歸田里拋官遂隱侯
罷郎東出守半路得浮舟大旆行當夏桐江到未秋雲
閒分島寺濤靜見沙鷗誰伴臨清景吟詩上郡樓

送太學吳康仁及第南歸

因為太學選志業徹春闈首領諸生出先登上第歸一
榮猶未已具慶且應稀縱馬行青草臨岐脫白衣家遙
楚國寄帆對漢山飛知己盈華省看君再發機

陝州題河上亭

岸擁洪流急亭開清興長
當軒河草晚入坐水風涼
獨鳥驚來客孤雲觸去檣
秋聲和遠雨暮色帶微陽
浪靜澄牕影沙明發簾光
逍遙每盡日誰識愛滄浪

留題姚氏山齋

未厭棲林趣猶懷濟世才
閒眠知道在高步會時來
露滴從添硯蟬吟便送杯
亂書離縹帙迸筍出苔莓
異果因僧摘幽窗爲燕開
春遊何處盡欲別幾遲回

長安書懷投知己

一作投
邢員外

所學近雕蟲知難謁

一作望

至公徒隨衆人後擬老一生

中間歲家書到經荒世業空心懸滄海斷

一作濶

夢與白

雲通玉漏聲連北銀河氣極東關門迢遞月禁苑寂寥

鴻地廣身難束

一作跼

時平道獨窮蕭條苔長雨淅瀝葉

危一作從風久媿

一作戀一作怯

干朝客多慚別釣翁因依非不

忝延薦況曾蒙

一作拜後何敢忽言獎為曾蒙

與一作舉

善應

一作如

無替

垂恩本有終霜天搖落日莫使逐孤

一作飄

蓬

送姚侍御充渭北掌書記

北境烽烟急南山戰伐頻撫綏初易帥叅畫盡須人書
記才偏稱朝廷意更親繡衣行李日綺陌別離塵報國
將臨虜之藩不離秦豸冠嚴在首雄筆健隨身飲馬河
聲暮休兵塞色春敗亡仍暴骨冤哭可傷神上策何當
用邊情此是真雕陰曾久客拜送欲霑巾

長安書情投知己

陝服因詩句從容已半年一從歸闕下牢得到門前母
候朝軒出常看列宿懸重投期見獎數首果蒙傳轉覺

功宜倍兼令住更堅都忘春暫醉少省夜曾眠煩暑燈
誰讀孤雲業自專精華搜未竭騷雅琢須全此事勤雖
過他謀拙莫先槐街勞白日桂路在青天取第殊無序
還鄉可有緣旅情長越鳥秋思幾秦蟬月色千樓滿砧
聲萬井連江山阻迢遞時節暗推遷道即窮通守才應
始末憐書紳相戒語藏篋贈行篇致主當齊聖為郎本
是仙人心期際會鳳翼許遷延畢竟良圖在何妨逸性
便幽齋中寢覺珍木正陰圓隱几閒瞻夜一作臨雲興

渺然五陵供麗景六義動花牋倘與潛生翼寧非助化
權免教垂素髮歸種海隅田

府試丹浦非樂戰

自古為君道垂衣致理難懷仁須去殺用武即勝殘毒
熾誅方及兵臨豐可觀居來彭蠡固戰罷洞庭寬雪國
知天遠霜林是血丹吾皇則堯典薄伐至桑乾

府試風雨聞雞

不為風雨變雞德一何貞在暗長先覺臨晨即自鳴陰

靈方見信頃刻詎移聲向晦如相警知時似獨清蕭蕭
和斷漏喔喔報重城欲識詩人興中含君子情

府試觀蘭亭圖

往會人何處遺蹤事可觀林亭今日在草木古春殘筆
想吟中駐杯疑飲後乾向青穿峻嶺當白認回湍月影
窗間夜湖光枕上寒不知詩酒客誰更慕前歡

府試老人星見

良宵出戶庭極目向青冥海內逢康日天邊見壽星臨

空遙的的竟曉燭熒熒春後先依景秋來忽近丁垂休
臨有道作瑞掩前經豈比周王夢徒言得九齡

省試振鷺

有鳥生江浦霜華作羽翰君臣將比潔朝野共相一作

歡月影林梢下水光水際殘翻飛時共樂飲啄道皆安
迥翥宜高詠羣棲入靜看由來鷺鷥侶濟濟列千官

寄辛明府

何處無寄政東南有子男細將朝客說須是邑人諳別

業空經稔歸田獨未甘目凝烟積樹心貯月明潭曉鼓
愁方亂春山睡正酣不任啼鳥思鄉社欲桑蠶

苑中題友人林亭

井邑藏晶穴

一作洞

幽棲趣若何春篴抽

一作魚

筍密夏鳥

雜雛多坐有清風至

一作起

林無暑氣過亂書還就葉真

飲不聽歌片影明紅蘚斜

一作新

陰映綠蘿雄文終可惜

莫更棄高科

授京兆府試官任文學先輩

高興每論詩非才獨見推
應當明試日不比暗投時
出口人皆信操心自可知
孤單雖有託際會別無期
取舍知由己窮通斷在茲
賤身何足數公道自難欺
澤國遠甘旨漁舟積夢思
長安未歸去為倚鑒妍媸

宋少府東溪泛舟

登岸還入舟水禽驚笑語
晚葉低衆色濕雲帶繁暑
落日乘醉歸溪流復幾許

聞北虜入靈州二首

河冰一夜合虜騎入

一作滿

靈州歲歲徵兵去難

一作防

塞草秋

見說靈州戰沙中血未

一作不

乾將軍日告急走馬向長

安

送友人下第歸感懷

帝里春無

一作無春

意歸山對物華即應來日去

一作到日

九陌

踏槐花

贈桂林友人

君家桂林住

一作下

日伐桂枝炊何事東堂樹

一作桂

年年

待一枝

長安感懷

一第知何日全家待此身空將灞陵酒酌送向東人

題長孫桐樹

一去龍門側千年鳳影移空餘剪圭處無復在孫枝

渡漢江

嶺外音書絕經年

一作冬

復歷春近鄉情更怯不敢問來

人

嵩山夜還

家住東臯去好採舊山薇
自省遊泉石何曾不夜歸

暮秋宿清源上人院

野客愁來日山房木落中
微風生夜半積雨向秋終
證道方離法安禪不住空
迷途將覺路語默見西東

秋夜宿重本上人院

却憶涼堂坐明河幾度流
安禪逢小暑抱疾入高秋水

國曾重講雲林半舊遊
此來看月落還似道相求

贈立規上人

竹向空齋合無僧在四隣
去雲離坐石斜月到禪身
樹老風終夜山寒雪見春
不知諸祖後傳印是何人

蘇州寒食日送人歸觀

第五句缺一字

江城寒食下花木慘離魂
幾宿投山寺孤帆過海門
聲潑火雨柳色禁烟村
定看堂高後斑衣滅淚痕

即席送許之曹南省兄

缺一字

梅爛荷圓六月天歸帆高背虎丘烟到時自見成行雁
別處休聽滿樹蟬賣劍為賒吳市酒攜家猶借洞庭船
待看春榜來江外名占蓬萊第幾仙

送羅著作兩浙按獄

著作常宰
蘓州吳縣

使印星車適舊遊陶潛今日在瀛洲科條盡曉三千罪
囹圄應空十二州舊綬有香籠驛馬皇華無暇狎沙鷗
歸來重過姑蘓郡莫忘題名在虎丘

下第後屏居書懷寄張侍御

剛足豈一生良工隔千里故山彭澤上歸夢向汾水低
催神氣盡僮僕心亦耻未達誰不知達者多忘此行年
忽已壯去老年更幾功名如不彰身歿豈為鬼纔看芳
草歇即歎涼風起驄馬未來朝嘶聲尚在耳

答韓中丞容不飲酒

老大成名仍足病強聽絲竹亦無歡高情太守容門坐
借與青山盡日看

句


只將五字句用破一生心

北夢
瑣言

楚里八千里
繁繁此

都會魏我數里城
遠水相映帶

方輿
勝覽



御定全唐詩卷五百八十九

欽定四庫全書

集部

御定全唐詩卷五百

九十三至

詳校官庶吉士臣胡鉅

主事銜臣徐以坤覆勘

總校官知縣臣繆琪

校對官中書臣陸湘

謄錄監生臣張光熙

欽定四庫全書

御定全唐詩卷五百九十

李郢

李郢字楚望長安人大中十年第進士官終侍御史詩

一卷

冬至後西湖泛舟看斷冰偶成長句

一陽生後陰飈竭湖上層冰看折時雲母扇搖當殿色
珊瑚樹碎滿盤枝斜汀藻動魚應覺極浦波生鴈未知

山影淺中留瓦礫日光寒外送漣漪崖崩葦岸縱橫散
篙颺蘭舟片段隨曾向黃河望衝激大鵬飛起雪風吹

陽羨春歌

石亭梅花落如積玉蘚爛斑竹姑赤祝陵有酒清若空
煮粳蒸魚作寒食長橋新晴好天氣兩市兒郎擢船戲
溪頭鉦鼓狂殺儂青蓋紅裙偶相值風光何處最可憐
邵家高樓白日邊樓下遊人顏色喜溪南黃帽應羞死
三月未有二月殘靈龜可信滄水乾葑草青青促歸去

短簫橫笛說明年

茶山貢焙歌

使君愛客情無已，客在金臺價無比。
春風二月貢茶時，盡逐紅旌到山裏。
焙中清曉朱門開，筐箱漸見新芽來。
陵烟觸露不停探，官家赤印連帖催。
朝飢暮匄誰興哀，喧闐競納不盈掬。
一時一餉還成堆，蒸之馥之香勝梅。
研膏架動轟一作聲如雷，茶成拜表貢天子。
萬人爭啜春山摧，驛騎鞭聲若流電。
半夜驅夫誰復見，十日一作見王

程路四千到時須及清明宴

一作前

吾君可謂納諫君諫

官不諫何由聞九重城裏雖玉食天涯吏役長紛紛使
君憂民慘容色就焙嘗茶坐諸客幾回到口重咨嗟嫩
綠鮮芳出何力山中有酒亦有歌樂營房戶皆仙家仙
家十隊酒百斛金絲宴饌隨經過使君是日憂思多客
亦無言徵綺羅殷勤繞焙復長歎官府例成期如何吳
民吳民莫憔悴使君作相期蘇爾

夏日登信州北樓

高樓上長望百里見靈山雨歇河珠定雲開谷鳥還田
苗映林合牛犢傍村閒始得消憂處蟬聲催入關

遊天柱觀

聽鐘到靈觀仙子喜相尋茅洞幾千載水聲寒至今讀
碑丹井上坐石澗亭陰清興未云盡烟霞生夕林

酬劉谷除夜見寄

坐恐三更至流年此夜分客心無限事愁雨不堪聞灞

上家殊遠爐前酒暫

一作易

醺劉郎亦多恨詩憶故山雲

元日作

鏘鏘華駟客門館賀新正
野雪江山霽微風竹樹清
蕪庭春意曉殘枿燼烟生
忽憶王孫草前年在帝京

酬劉谷立春日吏隱亭見寄

孤亭遙帶寺靜者獨登臨
楚霽江流慢春歸澤氣陰
野田青牧馬幽竹暖鳴禽
日日光盡何堪故國心

宿憐

一作
憐

上人房

重公舊相識一夕話勞生
藥裹關身病經函寄道情
嶽

寒當寺色灘夜入樓聲不待移文誚三年別赤城

園居

暮雨揚雄宅秋風向秀園不聞砧杵動時看桔槔翻釣
下魚初食船移鴨暫喧橘寒才弄色須帶一作侍早霜繁

中元夜

江南水寺中元夜金粟欄邊見月娥紅燭影迴仙態近
翠鬟光動看一作見人多香飄彩殿凝蘭麝露繞輕衣雜

綺羅湘水夜空巫峽遠不知歸路欲如何

贈羽林將軍

一作江上
逢王將軍

虬鬚

一作
髯

憔悴羽林郎曾入甘泉侍武

一作
王

皇鵬沒夜

雲知御苑馬隨仙

一作
春

仗識天香五湖歸去孤舟月六

國平來兩鬢霜唯有桓伊江上笛臥吹三弄送殘陽

送人之嶺南

關山迢遞古交州歲宴憐君走馬遊謝氏海邊逢素

一作

姁

女越王潭上見青牛嵩臺月照啼猿曙

一作
樹

石室烟

含古桂秋迴望長安五千里刺桐花下莫淹留

晚泊松江驛

片帆孤客晚夷猶，紅蓼花前水驛秋。
歲月方驚離別盡，烟波仍駐古今愁。
雲陰故國山川暮，潮落空江網罟收。
還有吳娃舊歌曲，權聲遙散採菱舟。

江亭春霽

江蘼漠漠荇田田，江上雲亭霽景鮮。
蜀客帆檣背歸燕，楚山花木怨啼鶉。
春風掩映千門柳，曉色淒涼萬井烟。
金磬泠泠水南寺，上方僧室一作臺殿翠微連。

早秋書懷

高梧一葉墜涼天
宋玉悲秋淚灑然
霜拂楚山頻見菊
雨零溪樹忽無蟬
虛村暮角催殘日
近寺歸僧寄野泉
青鬢已緣多病鑷
可堪風景促流年

為妻作生日寄意

謝家生日好風烟
柳暖花春二月天
金鳳對翹雙翡翠
蜀琴初一作上七絲
絃駕鴛交頸期千歲
琴瑟諧和願百年
應恨客程歸未得
綠牕紅淚冷涓涓

重陽日寄浙東諸從事

野人多病門長掩
荒圃重陽菊自開
愁裏又聞清笛怨
望中難見白衣來
元瑜正及從軍樂
甯戚誰憐叩角哀
紅旆紛紛碧江暮
知君醉下望鄉臺

和湖州杜員外冬至日白蘋洲見憶

白蘋亭上一陽生
謝朓新裁錦繡成
千嶂雪消溪影綠
幾家梅綻海波清
已知鷗鳥長來狎
可許汀洲獨有名
多愧龍門重招引
即拋田舍棹舟行

上裴晉公

四朝憂國鬢如絲，龍馬精神海鶴姿。
天上玉書傳詔夜，陣前金甲受降時。
曾經庾亮三秋月下，盡羊曇兩路作一作局。
碁惆悵舊堂，局綠野夕陽無限鳥飛遲。

錢塘青山題李隱居西齋

小隱西齋為客開，翠蘿深處遍青苔。
林間掃石安碁局，巖下分泉遞酒杯。
蘭葉露光秋月上，蘆花風起夜潮來。
湖山遶屋猶嫌淺，欲櫂漁舟近釣臺。

友人適越路過桐廬寄題江驛

桐廬縣前洲渚平，桐廬江上晚潮生。
莫言獨有山川秀，過日仍聞官長清。
麥隴虛涼當水店，鱸魚鮮美稱尊羹。
王孫客棹殘春去，相送河橋羨此行。

送劉谷

村橋西路雪初晴，雲暖沙乾馬足輕。
寒澗渡頭芳草色，新梅嶺外鷓鴣聲。
郵亭已送輕車發，一作征山館誰將候火迎。
落日千峰轉迢遞，知君回首望高城。

七夕

一作趙璜詩

烏鵲橋頭雙扇開
年年一度過河來
莫嫌天上稀相見
猶勝人間去不回
欲減烟花饒俗世
暫煩烟月掩粧臺
別時舊路長清淺
豈肯離情一作心似死灰

秦處士移家富春發樟亭懷寄

潮落空江洲渚生
知君已上富春亭
嘗聞郭邑山多秀
更說官僚眼盡青
離別幾宵魂耿耿
相思一座髮星星
仙翁白石高歌調
無復松齋半夜聽

故洛陽城

胡兵一動朔方塵不使鑾輿此重巡
清洛但流鳴咽水上陽深鎖寂寥春
雲收少室初晴雨柳拂中橋晚渡津
欲問升平無故老鳳樓回首落花頻

紫極宮上元齋次呈諸道流

第五句
缺一字

碧簡朝天章奏頻清宮髣髴降靈真
五龍金角向星斗三洞玉音愁鬼神
風拂亂燈山磬露霑仙杏石壇春
明朝醮罷羽客散塵土滿城空世人

立春一日江村偶興

舊歷年光看卷盡立春何用更相催
江邊野店寒無色竹外孤村坐見梅
山雪乍晴嵐翠起漁家向晚笛聲哀
南州近有秦中使聞道胡兵索戰來

立秋後自京歸家

籬落秋歸見豆花竹門當水岸橫槎
松齋一雨宜清簟佛室孤燈對絳紗
盡日抱愁跼似鼠移時不動嬾於蛇
西江近有鱸魚否張翰扁舟始到家

奉陪裴相公重陽日遊安樂池亭

絳霄輕靄翊三台嵇阮襟懷管樂才蓮沼昔為王儉府

菊籬今作孟嘉杯寧知北闕元勳在漢賜蕭何等北闕大第却引

東山舊客來自笑吐茵還酩酊日斜空從絳衣迴

淞河館一作暮春山行田家歌馬

雨濕菰蒲斜日明茅廚煮蠶掉車聲青蛇上竹一種色

黃蝶一作燭隔溪無限情何處樵漁將遠餉故園田土憶

春耕十峰萬瀨一作霽霽水滴滴羸馬此中愁獨行

春日題山家

偶與樵人熟春殘日日來
依崗尋紫蕨挽樹得青梅
燕靜銜泥起蜂喧抱藥回
嫩茶重攪綠新酒畧炊醅
漠漠蠶生紙涓涓水弄苔
丁香政堪結留步小庭隈

江亭晚望

碧天涼冷鴈來疎閒望江雲思有餘
秋館池亭荷葉後野人籬落豆花初
無愁自得仙人術多病能忘太史書
聞說故園香稻熟片帆歸去就鱸魚

長安夜訪澈上人

關西木落夜霜凝
烏帽閒尋紫閣僧
松迴月光先照鶴
寺寒溝水忽生冰
琤琤曉漏喧秦禁
漠漠秋烟起漢陵
閒說天台舊禪處
石房獨有一龕燈

送圓鑒上人遊天台

西嶺草堂留不住
獨攜瓶錫向天台
霜清海寺聞潮至
日宴江船乞食回
華頂夜寒孤月落
石橋秋盡一僧來
靈溪道者相逢處
陰洞泠泠竹室開

送僧之台州

獨尋台嶺閒遊去豈覺靈溪道里賒
三井應潮通海浪五峰攢寺落天花
寒潭盥漱銅瓶潔野店安禪錫杖斜
到日初尋石橋路莫教雲雨濕袈裟

傷賈島無可

却到京師事事傷
惠休歸寂賈生亡
何人收得文章篋
獨我來經苔蘚房
一命未霑為逐客
萬緣初盡別空王
蕭蕭竹塢斜陽在
葉覆閒階雪擁牆

孔雀

越鳥青春好顏色晴軒入戶看沾衣一身金翠畫不得
萬里山川來者稀絲竹慣聽時獨舞樓臺初上欲孤飛
刺桐花謝芳草歇南國同巢應望歸

秋晚寄題陸勲校書義興禪居時淮南從事

禪居秋草晚蕭索異前時蓮幙青雲貴翔翔絕後期
房檉架掩山砌石盆欹劒戟晨趨靜笙歌夜散遲谷寒
霜狖靜林晚磬蟲悲惠遠烟霞在方平杖履隨骨清須

貴達神重有威儀萬卒千蹄馬橫鞭從信騎

酬王舍人雪中見寄

三日柴門擁不開階庭平滿白皚皚今朝踏作瓊瑤跡
為有詩從鳳沼來

蟬

飲蟬驚雨落高槐山蟻移將入石階若使秦樓美人見
還應一為拔金釵

自水口入茶山

萋萋紅裙好女兒相偎相倚看人時使君馬上應含笑
橫把金鞭為詠詩

重遊天台

南國天台山水奇石橋危險古來知龍潭直下一百丈
誰見生公獨坐一作過時

山行

小田微雨稻苗香田畔清溪瀟瀟涼自憶東吳榜舟日
蓼花溝水半篙強

上元日寄湖杭二從事

戀別山燈憶水燈
山光水焰百千層
謝公留賞山公喚
知入笙歌阿那朋

寒食野望

一作遠望

舊墳新隴哭多時
流世都堪幾度悲
烏鳥一作鵲亂啼人未遠
野風吹散白棠梨

清明日題一公禪室

山頭蘭若石楠春
山下清明烟火新
此日何窮禮禪客

歸心誰是戀禪人

七夕寄張氏兄弟

新秋牛女會佳期紅粉筵開玉饌時好與檀郎寄

一作記

花朵莫教清曉羨蛛絲

春晚與諸同舍出城迎座主侍郎

一作鄭顥詩

三十驂騑一闕塵來時不鎖杏園春東風柳絮輕如雪
應有偷游曲水人

張郎中宅戲贈二首

薄雪燕翦紫燕釵垂麗
簌抱香懷一聲歌罷劉郎醉
脫取明金壓繡鞋

謝家青妓遼重闕誰省春風見玉顏
聞道綵鸞三十六
一雙雙對碧池蓮

醉送

一作吟

江梅冷豔酒清光
急拍繁絃醉畫堂
無限柳條多少雪
一將春恨付劉郎

曉井

桐陰覆井月斜明百尺寒泉古甃清
越女攜瓶下金索
曉天初放轆轤聲

南池

小男供餌婦搓絲溢榼香醪倒接羅
日出兩竿魚正食
一家歡笑在南池

偶作

一杯正發吟哦興兩盞還生去住愁
何似全家上船去
酒旗多處即淹留

畫鼓

嘗聞畫鼓動歡情及送離人恨鼓聲兩杖一揮行纔解
暮天空使別魂驚

燕蓊花

十二街中何限草燕蓊盡欲占殘春黃花撲地無窮極
愁殺江南去住人

邵博士溪亭

野茶無限春風葉溪水千重返照波只去長橋三十里

誰人一解枉帆過

小石上見亡友題處

筍石清瑤入紫烟
陸雲題處是前年
苔侵雨打依稀在
惆悵涼風樹樹蟬

洞靈觀流泉

石上苔蘚水上烟
潺湲聲在觀門前
千岩萬壑分流去
更引飛花入洞天

送李判官

津市停橈送別難
熒熒蠟炬照更闌
東風萬疊吹江月
誰伴衰褰宿夜灘

宿杭州虛白堂

秋

一作缺

月斜明虛白堂
寒蛩唧唧樹蒼蒼
江風徹曉

一作

曙

不得

一作成

睡二十五聲秋點長

御定全唐詩卷五百九十

欽定四庫全書

御定全唐詩卷五百九十一

崔珏

崔珏字夢之嘗寄家荊州登大中進士第由幕府拜祕書郎為淇縣令有惠政官至侍御詩一卷

道林寺

臨湘之濱麓之隅西有松寺東岸無松風千里擺不斷
竹泉瀉入于僧厨宏梁大棟何足貴山寺難有山泉俱

四時唯夏不敢入燭龍安敢停斯須遠公池上種何物
碧羅扇底紅鱗魚香閣朝鳴大法鼓天宮夜轉三乘書
野花市井裁不著山雞飲啄聲相呼金檻僧迴步步影
石盆水濺聯聯珠北臨高處日正午舉手欲摸黃金烏
遙江大船小於葉遠村雜樹齊如蔬潭州城郭在何處
東邊一片青糲糊今來古往人滿地勞生未了歸丘墟
長卿之門久寂寞五言七字誇規模我吟杜詩清入骨
灌頂何必須醍醐白日不照耒陽縣皇天厄死飢寒軀

明珠大貝採欲盡蚌蛤空滿赤沙湖今我題詩亦無味
懷賢覽古成長吁不如興罷過江去已有好月明歸途

美人嘗茶行

雲鬟枕落困春泥玉郎為碾瑟瑟塵間教鸚鵡啄牕響
和嬌扶起濃睡人銀瓶貯泉水一掬松雨聲來乳花熟
朱脣啜破綠雲時咽入香喉夾紅玉明眸漸開橫一作轉

秋水手撥絲篴醉心起臺時一作前却坐推金箏不語思

量夢中事

門前柳第一句

第一句
缺一字

門前蜀柳

知春風澹暖烟愁殺人將謂只栽郡樓下

不知迤邐連南津南津柳色連南市南市戎州三百里

夷陬蠻落相連接故鄉莫道心先死我今帝里尚有家

門前嫩柳插

披一作

仙霞晨霑太乙壇邊雨暮宿鳳凰城

裏鴟別來三載當誰道門前年綠陰好春來定解飛
雪花雨後還應底烟草憶昔當年栽柳時新芽茁茁嫌
生遲如今宛轉梯著地常向綠陰勞夢思不道彼樹好

不道此樹惡試將此意問野人野人盡道生處樂為報
門前楊柳栽我應來歲當歸來縱令樹下能攀折白髮
如絲心似灰

岳陽樓晚望

乾坤千里水雲間釣艇如萍去復還樓上北風斜捲席
湖中西日倒銜山懷沙有恨騷人往鼓瑟無聲帝子閒
何事黃昏尚凝睇數行烟樹接荆蠻

哭李商隱

成紀星郎字義山適歸高

一作黃

壤抱長歎詞林枝葉三

春盡學海波瀾一夜乾風雨已吹燈燭滅姓名長在齒

牙寒只應物外攀琪樹便著霓裳

一作衣

上絳

一作玉

壇

虛負凌雲萬丈才一生襟抱未曾開烏啼花落人何在
竹死桐枯鳳不來良馬足因無主踈舊交心為絕弦哀
九泉莫嘆三光隔又送文星入夜臺

和友人駕鵞之什

翠鬣紅衣

一作毛

舞夕

一作落

暉水禽情似此禽稀暫分烟

島猶回首只渡寒塘亦共

一作並

飛映霧乍

一作盡

迷珠

一作

金殿瓦逐梭齊上

一作還似

玉人機採蓮無限蘭橈女笑指

中流羨

一作候

爾歸

寂寂春塘烟晚

一作曉

時兩心和影共依依溪頭日暖眠

沙穩渡口風寒浴浪稀翡翠莫誇饒彩飾鵬鵠須羨好

毛衣蘭深芷密無人見相逐相呼何處歸

舞鶴翔鸞俱別離可憐生死兩相隨紅絲毳落眠汀處

白雪花成覺浪時琴上只聞交頸語牕前空展共飛詩

時一作

何如相見長相對肯羨人間多所思

有贈

莫道粧成斷客腸粉胸綿手白蓮香烟分頂上三層綠
劒截眸中一寸光舞勝柳枝腰更軟歌嫌珠貫曲猶長
雖然不似王孫女解愛臨邛賣賦郎

錦里芬芳少佩蘭風流全占似君難心迷曉夢牕猶暗
粉落香肌汗未乾兩臉天桃從鏡發一眸春水照人寒
自嗟此地非吾土不得如花歲歲看

和人聽歌

氣吐幽蘭出洞房
樂人先問調宮商
聲和細管珠纔轉
曲度沈烟雪更香
公子不隨腸萬結
離人須落淚千行
巫山唱罷行雲過
猶自微塵舞畫梁

紅臉初分翠黛愁
錦筵歌板拍清秋
一樓春雪和塵起
午夜寒泉帶雨流
座上美人心盡死
尊前旅客淚難收
莫辭更送劉郎酒
百斛明珠異日酬

水晶枕

千年積雪萬年冰掌上初擎力不勝南國舊知何處得
北方寒氣此中凝黃昏轉燭螢飛沼白日褰簾水在簷
蘄簾蜀琴相對好裁詩乞與滌煩襟

席間詠琴客

七條絃上五音寒此藝知音自古難唯有河南房次律
始終憐得董庭蘭

句

楚王宮地羅含宅賴許時時聽法來

早梅贈李商隱
見商隱集注

御定全唐詩卷五百九十一

欽定四庫全書

御定全唐詩卷五百九十二

曹鄴

曹鄴字業

一作鄴

之桂州人登大中進士第由天平幕府

遷太常博士歷祠部郎中洋州刺史詩二卷

徒相逢

江邊野花不須採
梁頭野燕不用親
西施本是越溪女
承恩不薦越溪人

雜誠

帶香入鮑肆香氣同鮑魚未入猶可悟已入當何如

捕魚謠

天子好征戰百姓不種桑天子好年少無人薦馮唐天
子好美女夫婦不成雙

四怨三愁五情詩十二首

并序

鬱於內者怨也阻於外者愁也犯於性者情也三
者有一賊於前必為顛為沴為蚤死人鄴專仁誼

久矣有舉不得用心恐中斯物殞天命幸未死間
作四怨三愁五情以望詩人救

其一怨

美人如新花許嫁還獨守豈無青銅鏡終日自疑醜

其二怨

庭花已結子巖花猶弄色誰令生處遠用盡春風力

其三怨

短鬟一如螭長眉一如蛾相共掉蓮舟得花不如他

其四怨

手推嘔啞車朝朝暮暮耕未曾分得穀空得老農名

其一愁

遠夢如水急白髮如草新歸期待春至春至還送人

其二愁

澗草短短青山月朗朗明此夜目不掩屋頭烏啼聲

其三愁

別家鬢未生到城鬢似髮朝朝臨川望灞水不入越

其一情

東西是長江南北是官道牛羊不戀山只戀山中草

其二情

阿嬌生漢宮西施住南國專房莫相妬各自有顏色

其三情

蛺蝶空中飛天桃庭中春見他夫婦好有女初嫁人

其四情

檳榔自無柯椰葉自無陰常羨庭邊

一作亭前

竹生笋高於

林

其五情

野雀空城饑交交復飛飛勿怪官倉粟官倉無空時

寄劉駕

一川草色青裊裊遠屋水聲如在家悵望美人不攜手
牆東又發數枝花

風人體

出門行一步形影便相失何況大隄上驄馬如箭疾夜

夜如織婦尋思待成匹郎只不在家在家亦如出將金
與卜人謫道遠行吉念郎緣底事不具一作見天與日

杏園即

一本無即字

席上同年

岐路不在天十年行不至一旦公道開青雲在平地枕
上數聲鼓衡門已如市白日探得珠不待驪龍睡忽忽
出九衢僮僕顏色異故衣未及換尚有去年淚晴陽照
花影落絮浮野翠對酒時忽驚猶疑夢中事自憐孤飛
鳥得接鸞鳳翅永懷共濟心莫起胡越意

恃寵

二月樹色好昭儀正驕奢恐君愛陽豔斫却園中花三
十六宮女髻鬟各如鴉君王心所憐獨自不見瑕臺上
紅燈盡未肯下金車一笑不得所塵中悉無家飛燕身
更輕何必恃容華

題女郎廟

數點烟香出廟門女娥飛去影中存年年嶺上春無主
露泣花愁斷客魂

四望樓

樓在洛陽東今廢秦時有貴公子賈虛每日宴其上

背山見樓影應合與山齊座上日已出城中未鳴鷄無限燕趙女吹笙上金梯風起洛陽東香過洛陽西公子長夜醉不聞子規啼

築城三首

郎有薜蘿心妾有芙蓉質不辭嫁與郎築城無休日
嗚嗚啄人鴉軋軋上城車力盡土不盡得歸亦無家
築人非築城圍秦豈圍我不知城上土化作宮中火

奉命齊州推事畢寄本府尚書

越鳥栖不定孤飛入齊鄉日暮天欲雨那兼羽翎傷州
民言刺史蠹物甚於蝗受命大執法草草是行裝僕隸
皆分散單車驛路長四顧無相識奔馳若投荒重門下
長鎖樹影空過牆驅囚遠廊屋臕臕如牛羊獄吏相對
語簿書堆滿牀馱枷打鎖聲終日在目旁旣捨三山侶
來餘五斗糧忍學空城雀潛身入官倉國中天子令頭
上白日光曲木用處多不如直為梁恐孤食息地晝夜

心不遑仲夏天氣熱鬢鬚忽成霜社鼠不可灌城狐不
易防偶於擒縱間盡得見否臧截斷姦吏古擘開冤人
腸明朝向西望走馬歸汶陽

北郭閒思

山前山後是青草盡日出門還掩門每思骨肉在天畔
來看野翁憐子孫

戰城南

千金畫陣圖自為弓劍苦殺盡田野人將軍猶愛武性

命換他恩功成誰作主
鳳凰樓上人夜夜長歌舞

自退

寒

一作鄰

女面如

一作上

花空

一作寂

寂

一作牀

常

一作花

對影況

我

一作妾

不嫁郎甘為瓶墮井

早起

月墮滄浪西門開樹無影
此時歸夢闌立在

一作獨立

梧桐

井

古相送

行人卜去期白髮根已出執君青松枝空數別來日心
如七夕女生死難再匹且願車聲迫莫使馬行疾巫山
千丈高亦恐夢相失

甲第

遊人未入門花影出門前將軍來此住十里無荒田

望不來

見花憶郎面常願花色新為郎容貌好難有一作相似

人

官倉鼠

官倉老鼠大如斗

一作牛

見人開倉亦不走健兒無糧百

姓饑誰遣朝朝入君口

題漢廟

曉祭瑤齋夜扣鐘
黿頭風起浪重重
人間直有仙桃種
海上應無肉馬蹤
赤水夢沈迷象罔
翠華恩斷泣芙蓉
不知皇帝三宮駐
始向人間著袞龍

偶題

白玉先

一作老

生多在市青牛道士不居山但能共得丹

田語正是忙時身亦閒

登岳陽樓有懷寄座主相公

南登岳陽樓北眺長安道不見昇平里千山樹如草骨
肉在南楚沈憂起常早白社愁成空秋蕪待誰掃常聞
詩人語西子不宜老賴識丹元君時來語蓬島

出關

山上黃犢走避人山下女郎歌滿野我獨南征恨此身

更有無成出關者

將赴天平職書懷寄翰林從兄

居處絕人事門前崔羅施誰遣辟書至僕隸皆展眉
足馬渡河洛西風飄路歧手執王粲筆間吟向旌旗
香晚翠蓮動吟餘紅燭移開口啖酒肉將何報相知
況我魏公子相顧不相疑豈學官倉鼠飽食無所為
白露霑碧草芙蓉落清池自小不到處全家忽如歸
吾宗處清切立白玉墀方得一侍座單車又星飛
願將門底水永

託萬頃陂

賀雪寄本府尚書

雨雪不順時陰陽失明晦麥根半成土農夫泣相對我
公誠訴天天地忽已泰長飈卷白雲散落羣峰外拂砌
花影明交宮鶴翎碎宿鳥晨不飛猶疑月光在碧樹香
盡發蠹蟲聲漸退有客懷兔園吟詩遠城內

寄嵩陽道人

三山浮海倚蓬瀛路入真元險盡平華表千年孤鶴語

人間一夢晚蟬鳴將龍逐虎神初王積火焚心氣漸清
見說嵩陽有仙客欲持金簡問長生

去不返

寒女不自知嫁為公子妻親情未識面明日便東西但
得上馬了一去頭不回雙輪如鳥飛影盡東南街九重
十二門一門四扇開君從此路去妾向此路啼但得見
君面不辭插荆釵

送進士下第歸南海

數片紅霞映夕陽攬君衣袂更移觴行人莫歎碧雲晚
上國每年春草芳雪過藍關寒氣薄鴈回湘浦怨聲長
應無惆悵滄波遠十二玉

一作重

樓非我鄉

送厲圖南下第歸澧州

當春人盡歸我獨無歸計送君自多感不是緣下第君
看山上草盡有干雲勢結根旣不然何必更掩袂澧水
鱸魚賤荆門楊柳細勿為陽豔留此處有月桂言畢尊
未乾十二門欲閉佇立望不見登高更流涕吟君別我

詩悵望水烟際

思不見

但見出門蹤不見入門跡却笑山頭女無端化為石

貴宅

入門又到門到門戟相對玉簫聲尚遠疑似人不在公
子厭花繁買藥栽庭內望遠不上樓牕中見天外此地
日烹羊無異我食菜自是愁人眼見之若奢泰

下第寄知己

長安孟春至枯樹花亦發憂人此時心冷若松上雪自
知才不堪豈敢頻泣血所痛無罪者明時屢遭刑故山
秋草多一卷成古轍夜來遠心起夢見瀟湘月大賢冠
蓋高何事憐屑屑不令傷弓鳥日暮飛向越聞知感激
語胸中如有物舉頭望青天白日頭上沒歸來通濟里
開戶山鼠出中庭廣寂寥但見薇與蕨無慮數尺軀委
作泉下骨唯愁攬清鏡不見昨日髮願憐閨中女晚嫁
唯守節勿惜四座言女巧難自說

吳宮宴

吳宮城闕高龍鳳，遙相倚四面。鏗鼓鐘中央，列羅綺春風時。一來蘭麝聞數里，三度明月落青娥。醉不起，江頭鐵劒鳴玉座。成荒壘，適來歌舞處，未知身是鬼。

長相思

翦妾身上巾，贈郎傷妾神。郎車不暫停，妾貌寧長春。青天無停雪，應作雲滄海無停津。遣妾空牀夢，夜夜隨車輪。

長城下

遠水猶歸壑，征人合憶鄉。
泣多盈袖血，吟苦滿頭霜。
楚國連天浪，衡門到海荒。
何當生燕羽，時得近雕梁。

成名後獻恩門

為物稍有香，心遭蠹虫嚙。
平人登太行，萬萬車輪折。
一辭桂嶺，援九泣東門。
月年年，孟春時看花，不如雪。
僻居城南隅，顏子須泣血。
沈埋若九泉，誰肯開口說。
辛勤學機杼，坐對秋燈滅。
織錦花不常見之，盡云拙。
自憐孤生竹，出土便有節。
每聽浮競言，喉中似無舌。
忽然風雷至，

驚起池中物拔上青雲巔輕如一毫髮瓏瓏金鎖甲稍
稍城烏絕名字如鳥飛數日便到越幽蘭生雖晚幽香
亦難歇何以保此身終身事無缺

贈道師

舉世皆問人唯師獨求己一馬無四蹄頃刻行千里應
笑北原上丘墳亂如蟻

入關

衡門亦無路何況入西秦灸病不得穴徒為採艾人

聽劉尊師彈琴

曾於

一作遊

青海獨聞蟬又向空庭夜聽泉不似齋堂人

靜處秋聲長在七條弦

題山居

掃葉煎茶摘葉書心閒無夢夜牕虛只應光武恩波晚
豈是嚴君戀釣魚

關試前送進士姚潛下第歸南陽

馬嘶殘日沒殘霞二月東風便到家莫羨長安占春者

明年始見故園花

滄川寄進士劉駕

我家不背水君身不向越
自是相憶苦忽如經年別
山家草木寒石上有殘雪
美人望不見迢迢雲中月

翠孤至渚宮寄座主相公

萬里一孤舟春行夏方到
骨肉盡單羸沈憂滿懷抱
羈孤相對泣性命不相保
開戶山鼠驚蟲聲亂秋草
白菌緣屋生黃蒿擁籬倒
對此起長嗟芳年亦須老
恩門為

宰相出入用天道忽於摧落間收得青松操全家到江
陵屋虛風浩浩中腸自相伐日夕如寇盜其下有孤姪
其上有孀嫂黃糧賤於土一飯常不飽天斜日光薄地
濕蟲叫噪惟恐道忽消形容益枯槁古人於黃雀豈望
白環報奉答恩地恩何慚以誠告

早秋宿田舍

澗草疎疎螢火光山月朗朗楓樹長南村犢子夜聲急
應是欄邊新有霜

旅次岳陽寄京中親故

君山南面浪連天一客愁心兩處懸
身逐片帆歸楚澤魂隨流水向秦川
月回浦北千尋雪樹出湖東幾點烟
更欲登樓向西望北風催上洞庭船

題舒鄉

一本有
驛字

功名若及鴟夷子必擬將舟泛洞庭
柳色湖光好相待我心非醉亦非醒

碧尋

一作
得

宴上有懷知己

荻花蘆葉滿溪流一簇笙歌在水樓金管曲長人盡醉
玉簪恩重獨生愁女蘿力弱難逢地桐樹心孤易感秋
莫怪當歡却惆悵全家欲上五湖舟

從天平節度使遊平流園

池塘靜於寺俗事不到眼下馬如在山令人忽疎散明
公有高思到此遂長返乘興挈一壺折荷以為盞入竹
藤似虵侵牆水成蘚幽鳥不識人時來拂冠冕沿流路
若窮及行路猶遠洞中已云夕洞口天未晚自憐不羈

者寫物心常簡翻愁此興多引得嵇康嬾

故人寄茶

一作李德裕詩

劍外九華英絨題下玉京開時微月上碾處亂泉聲半
夜招僧至孤吟對月烹碧沈霞脚碎香泛乳花輕六腑
睡神去數朝詩思清月餘不敢費留伴肘書行

御定全唐詩卷五百九十二

欽定四庫全書

御定全唐詩卷五百九十三

曹鄴

東武吟

心如山上虎身若倉中鼠惆悵倚市門無人與之語夜
宴李將軍欲望心相許何曾聽我言貪謔邯鄲女獨上
黃金臺淒涼淚如雨

薊北門行

一本作出自
薊北門行

長河凍如石，征人夜中戍。但恐筋力盡，敢憚將軍遇。古來死未歇，白骨礙官路。豈無一有功，可以高其墓。親戚牽衣泣，悲號自相顧。死者雖無言，那堪生者悟。不如無手足，得見齒髮暮。乃知七尺軀，却是速死具。

金井怨

西風吹急景，美人照金井。不見面上花，却恨井中影。

姑蘇臺

南一作吳宮酒未銷，又宴姑蘇臺。美人含淚去，半夜閭門閉。

開相對正歌舞笑中聞鼓聲星散九重門血流十二街
一去成萬古臺盡人不回時聞野田中拾得黃金釵

夜坐有懷

悄悄月出樹東南若微霜愁人不成寐五月夜亦長佳
期杳天末骨肉不在旁年華且有恨

一作限

厥體難久康

人言力耕者歲旱亦有糧吾道固如此安得苦俵俵

寄監察從兄

我祖居鄴地鄴人識文星此地星已落兼無古時城古

風既無根千載難重生空留建安書傳說七子名賤子
生桂州桂州山水清自覺心貌古兼合古人情因為二
雅詩出語有性靈持來向長安時得長者驚芝草不為
瑞還共木葉零恨如轍中土終歲填不平吾宗戴豸冠
忽然入西京憐其羽翼單撫若親弟兄松根已堅牢松
葉豈不榮言罷眼無淚心中如酒醒

樂府體

蓮子房房嫩菖蒲葉葉齊共結池中根不厭池中泥

棄婦

嫁來未曾出此去長別離父母亦有家羞言何以歸此
日年且少事姑常有儀見多自成醜不待顏色衰何人
不識寵所嗟無自非將欲告此意四鄰已相疑

讀李斯傳

一車致三轂本圖行地速不知駕馭難舉足成顛覆欺
暗尚不然敗明當自戮難將一人手掩得天下目不見
三尺墳雲陽草空綠

文宗陵

千年堯舜心心成身已歿始隨蒼梧雲不返蒼龍闕宮
女衣不香黃金賜白髮留此奉天下所以無征伐至今
汨羅水不葬大夫骨

偶懷

開目不見路常如夜中行最賤不自勉中途與誰爭蓬
為沙所危還向沙上生一年秋不熟安得便廢耕顏子
命未達亦遇時人輕

代羅敷誚使君

常言愛嵩山別妾向東京朝來見人說却知在石城未
必菖蒲花只向石城生自是使君眼見物皆有情麋鹿
同上山蓮藕同在泥莫學天上日朝東暮還西

怨歌行

丈夫好弓劍行坐說金吾喜聞有行役結束不待車官
田贈倡婦留妾侍舅姑舅姑皆已死庭花半是蕪中妹
尋適人生女亦嫁夫何曾寄消息他處却有書嚴風厲

中野女子心易孤貧賤又相負封侯意何如

南征怨

萬浪東不回昭王南征早龍舟沒何處獨樹江上老
吾欲問水濱宮殿已生草

和潘安仁金谷集

太守龍為馬將軍金作車香飄十里風風下綠珠歌
莫怪坐上客歎君庭前花明朝此池館不是石崇家

不可見

常聞貧賤夫頭白終相待自從嫁黔婁終歲常不在君
夢有雙影妾夢空四鄰常思勁北風吹折雙車輪

秦後作

大道不居謙八荒安苟得木中不生火高殿禍頃刻誰
將白帝子踐我禮義域空持拔山志欲奪天地德軹道
人不回壯士斷消息父母骨成薪蟲蛇自相食鼎亂陰
陽疑戰盡鬼神力東郊龍見血九土玄黃色鼙鼓裂二
景妖星動中國圜丘無日月曠野失南北徒流殺人血

神器終不忒一馬渡空江始知賢者賊

薄命妾

薄命常惻惻出門見南北劉郎馬蹄疾何處去不得淚珠不可收蟲絲不可織知君綠桑下更有新相識

放歌行

莫唱放歌行此歌臨楚水人皆惡此聲唱者終不已三閭有何罪不向枕上死

江西送人

八月江上樓西風令人愁攜酒樓上別盡見四山秋但
愁今日知莫作他時疑郎本不住此無人泣望歸何水
不生波何木不改柯遙知明日恨不如今日多將心速
投人路遠人如何

始皇陵下作

千金買魚燈泉下照狐兔行人上陵過却弔扶蘇墓
纍纍壙中物多於養生具若使山可移應將秦國去舜殁
雖在前令猶未封樹

洛原西望

築城畏不堅城堅心自毀秦樹滿平原秦人不居此猶
為泣路者無力報天子

趙城懷古

邯鄲舊公子騎馬又鳴珂手揮白玉鞭不避五侯車閒
愁春日短沽酒入倡家一笑千萬金醉中贈秦娥如今
高原上樹樹白楊花

代班姬

寵極多妬容乘車上金階欸然趙飛燕不語到日西手
把菖蒲花君王喚不來常嫌鬢蟬重乞人白玉釵君心
無定波咫尺流不回後宮門不掩每夜黃鳥啼買得千
金賦花顏已如灰

庭草

庭草根自淺造化無遺功低回一寸心不敢怨春風
過白起墓

毘陵火焰滅長平生氣低將軍臨老病賜劒咸陽西

對酒

愛酒知是癖難與性相捨未必獨醒人便是不飲者晚
歲無此物何由住田野

續幽憤

嵇康呂安連罪賦此詩鄴
紀李御史甘死封之事

繁霜作陰起朱火乘夕發清晝冷無光蘭膏坐銷歇惟
公執天憲身是臺中傑一逐楚大夫何人為君雪忽忽
鬼方路不許辭雙闕過門似他鄉舉趾如遺轍八月黃
草生洪濤入雲熱危魂沒太行客弔空骨節千年瘴江

水恨聲流不絕

古詞

高闕礙飛鳥人言是君家經年不歸去愛妾面上花妾
面雖有花妾心非女蘿郎妻自不重一作教於妾欲如何

和謝豫章從宋公戲馬臺送孔令謝病

碧樹杳云暮朔風自西來佳人憶山水置酒在高臺不
必問流水坐來日已西勸君速歸去正及鷓鴣啼

送進士李殷下第遊汾河

上國花照地遣君向西征旁人亦有恨況復故人情單
車欲云去別酒忽然醒如何今夜夢半作道路程邊士
不好禮全家住軍城城中鼓角嚴旅客常夜驚中有左
記室逢人眼光明西門未歸者下馬如到京還應一開
卷為子心不平慙慙說忠抱壯志勿自輕

相思極

一作長
相思

妾顏與日空

一作改

君心與日新三年得一書猶在湘之

濱料君相輕意知妾無至親況當受明禮不令

一作合

再

嫁人願君從此日化質為妾身

代謝玄暉新亭送范零陵

楚水洪無際滄茫接天涯相看不能語獨鳥下江離蓬
子悉有戀蓬根却無期車輪自不住何必怨路歧孟冬
衣食薄夢寐亦未遺

山中效陶

落第非有罪茲山聊歸止山猿隔雲住共飲山中水讀
書時有興坐石忘却起西山忽然暮往往遺巾履經時

一出門兼候僮僕喜常被山翁笑求名豈如此齒髮老
未衰何如且求已

城南野居寄知己

奔走未到我在城如在村出門既無意豈如常閉門作
詩二十載闕下名不聞無人為開口君子獨有言身為
苦寒士一笑亦感恩慙慙中途上勿使車無輪

古莫買妾行

千扉不當路未似開一門若遣綠珠醜石家應尚存

霽後作

齊梁體

新霽辨草木晚塘明
衣衿乳燕不歸宿
雙雙飛向林微照
露花影輕雲浮麥
陰無人可招
隱盡日登山吟

田家效陶

黑黍春來釀酒飲
青禾刈了驅牛載
大姑小叔常在眼
却笑長安在天外

寄賈馳先輩

游子想萬里何必登
高臺聞君燕女吟
如自薊北來長

安高蓋多健馬東西街盡說蒿簪古

一作苦

將錢買金釵

我祖西園事言之獨傷懷如今數君子如鳥無樹棲濟
水一入河便與清流乖聞君欲自持勿使吾道低

送友人入塞

亂蓬無根日送子入青塞蒼茫萬里秋如見原野大鳥
雀寒不下山川迴相對一馬沒黃雲登高望猶在驚風
忽然起白日黯已晦如何怨路長出門天涯外

寄陽朔友人

桂林須產千株桂未解當天影日開我到月中收得種
為君移向故園栽

題廣福巖

未有天地先融結方廣高深無丈尺書言不盡畫難成
留與人間作奇特

送曾德邁歸寧宜春

湘東山水有清輝袁水詞人得意歸幾府爭馳毛義檄
一鄉看待老萊衣筵開灞岸臨清淺路去藍關入翠微

想到宜陽更無事併將歡慶奉庭闈

送鄭谷歸宜春

無成歸故國上馬亦高歌況是飛鳴後殊為喜慶多暑
銷嵩嶽雨涼吹洞庭波莫便閑吟去須期接盛科

老圃堂

邵平瓜地接吾廬穀雨乾時手自鋤昨日春風欺不在
就牀吹落讀殘書

御定全唐詩卷五百九十三